

味
癡
剎
墨

癸亥孟春

味疾刺墨

鄭元璋書

中華民國十二年六月出版



味癡剩墨一集

定價實洋六角

不折扣

著作者

襄垣胡漁山

編輯者

餘三堂主人

發行者

廬

印刷者

江陰華通印書館

總發行所

青年研究學社

蕪湖魯港北岸中市

代售處

物外詩文社

上海伯頓路五九號

南昌繫馬椿八十號

昌言報社

外埠各大書坊

味癡剩墨總目

▲說薈卷一

一度情波錄

幸

漁舟豔影

國慶鵲聲

蓮姑痛話

▲文苑卷二

味癡軒文剩

味癡軒詩剩

▲筆叢卷三

餘三堂筆記

漁廬誌異五則

▲諧藪卷四

漁廬游戲文

▲題襟集卷六

月夜讀書圖墨緣

霜天看劍圖墨緣

述懷唱和集

小影唱和集

籠紗錄

▲嚼蔗談卷七

塵談

詩鐘閒話

▲神交錄

耆年神交

青年神交

特別神交

漁蘆葫蘆錄

▲香豔集卷五

紅樓豔影詩

金樽檀板錄

閨秀神交

題序一

蕪湖胡子味癡風雅士也。翰墨琳瑯著作宏富。海內神交者多。一時名下士近以其新著刺墨囑病驥弁一言。病驥以筆墨荒蕪久不敢允。矧味癡索以駢體。不禁仰天大笑。席帽墮地。蓋距今廿五、六年前。盛夏伏案時。以駢體欺人也。今則病驥垂老。不敢作少年欺人之浪墨。故遲遲未之報。既味癡復函索病驥。因有感夫國粹凌夷。文字荆棘。海內青年蛙鳴一堂之際。顧何以猶有味癡其人者。真有昧乎其癡者矣。雖然。味癡亦有有心人哉。聞其所謂刺墨內容分說薈文苑筆記諧林香豔集題襟集嚼蔗談神交錄八卷。風流俊逸之才。爾雅溫文之筆。其必有洛陽紙貴。騰譽于藝林。翰苑中者。決非時下輕言撰述輩所可同日語也。然則驥老且病。又曷敢以廿五、六年前之欺人浪墨更欺味癡。此不能不振筆疾書以答味癡其庶幾不再強索乎。披夕涼而慨流光。趁雨霽而親燈火。借杯水以締神契。伸寸管以冀僂頭而已。味癡聞之亦當大笑。病驥之真欺人也。爰書以爲味癡刺墨序。

壬戌秋七夕錫山病驥老人侯鴻鑑葆三譔

序二

炎威逼人。桐陰滿地。枝間蟬噪。正不知破人清夢幾許矣。余方午眠於艮心齋北窗下。忽有客手執一卷。揖余而言曰。先生已倦游歸里矣。先生少精於許氏之書。訓詁必分其門。戶六書必渥其權輿。引伸觸類。務實闢虛。祛老生之常談。恆兀兀以窮居。先生之於經。洵無愧爲通儒。游心史。選醉意。班馬糾謬。正僞誠哉作者。卓識貫乎古今。融千年於陶冶。先生之於史。亦何慚爲大雅少作爲文。不隨時好。鈍骨鏤心。超超獨造。雖十踏平槐黃。忘秋風之耗。先生之於年。已不覺其耄矣。言未既。余曰。玩子之言。如嘲如諷。文於世之無補。誚經生之鑿空。何子見之多偏。未知余之好弄稗官野史。寓言二三叢編。筆載其味。醇醴譜。豈史於窗北。擅題襟於江南。莫不彙諸子百家之腴。嫩而爲茶。餘酒後之清談。子乃曰。余爲道學之頑。固何管之。窺而蠡之。探客忽置卷於几。長嘯一聲。余驚而寤。階前之日影未移。枝上之蟬鳴如故。展案上之郵書。是爲胡子味癡之尺素。開卷欣然。剩墨一編。子目分八氣象。萬千藉非得江山之靈秀。何能化筆墨爲雲烟。旣神交感乎寤寐。爰不辭固陋。紀夢談而爲弁言。不知味癡之旨然乎不然。

壬戌處暑日儀徵悔叟徐崧齡申甫氏譔於囊琴匣劍室（時年六十有八）

序三

夫歸昌協響必諧鳳律之音承福經霄乃煮鸞林之曜是以登高能賦則騁藻之譽章與古爲新則藏山之業遂昔之華篇麗句壯辨英詞樹作述之楷模擷風騷之芬豔固惟學海之宗匪特天才之溢已予友胡子味癡皖之俊彥也清門高廡綺齡英妙言有壇宇行東壁圭詩派世仰劉崧文章夙尊歐九小說九百爛熟虞初經典四節淵源子駿自帝魁世錄孔甲遺書宛委銀編頻斯玉簡羽陵綈裘延閣籤帙莫不囊括典文津涉堂奧任未經苑傳昭學府靡得專美於前矣近刊新作曰剩墨集富豔莫京符采相炳鬱爲文棟屹若詩城浣照雪之襟吐淩雲之氣宗來徐庾得此奇芬上溯淵雲遵其逸軌青編慷慨馳俊辨於風霜碧血淒涼弔孤忠於江海絳雲奪魄虞山之楊柳枝新錦水題箋蜀國之枇杷花落雪西臺之憤樹記冬青補中壘之篇帖誇寄笠黨魁社事傷心孟博之書碑版琳宮妙手少綴之篆並皆意宗諷勸辭出性靈既高文大義之含淳且小扎短章之流美史家之才詞家之心兼而有之其在茲乎夫躡超光之飛轡者陟幽邃而踐福庭泛博望之仙槎者窮滄溟而遊漢渚宵練之刃鋒萬灌以皆銛丹維之琴絃屢調而應律今味癡蜚華洛紙振逸江毫壯志煙高清標雲上固宜早登芸閣卽賦蘭台非姝姝守一先生之說斷斷然以荒江老屋終也蓋學以養而彌粹花初胎而窺奇識神劍之將飛羨良珠之在

握已登風雅之席。益精進之幢。麟篆可捫。必擅陳芳之福。蟬編自樂。盡探曹庫之藏。圖史侑以古歡。花竹助其和氣。樓能造鳳。知萬卷之皆通。客是釣鰲。幸三山之非遠。兼葭奇夢。定憶我於西江。玩月之軒。叢桂留人行。佇君于廣陵觀潮之地。

壬戌中秋鄭之駿北野序于雒城客次

序四

間嘗讀地輿志。載始興之域有墨江。不禁驚異。拍案嘆爲奇觀。今乃分澤于味癡軒之墨池。考其水黑而濃。玩其流遠而長。用之。不竭。取之。不盡。濯之。則潤。嗅之。則香。而味癡則用以蘸。乃筆著。乃文治。乃性情紀。乃聞見據。乃磊落抑塞之氣。舒乃芬芳綺麗之思。由是以美人香草。月夕花晨。說粹薈焉。由是而春華秋實。夏電冬雷。筆記託焉。由是而趙璧隨珠。南金東箭。雜俎興焉。由是而錦心繡口。戛玉敲金。文苑備焉。進是而釵之光。黛之影。香豔于以集。更是而庾之清。鮑之逸。題襟于以成。洋洋乎墨濤浩浩乎墨浪。澎湃淋漓于楮。先生而潤澤于藝林。翰苑中者。非及味癡之剩墨乎。其墨也。非卽墨江之水乎。不然。何其下筆也。濃而長。不然。何其辭不竭而意不盡。不然。何其詞藻光潤而吐囁。穠香於戲墨以人。傳墨之幸。亦人之幸也。人以墨顯人之光。卽墨之光也。慶人得墨。慶墨得人。吾以序味癡剩墨。不爲味癡賀。而爲墨幸也。是爲序。

泰縣儲壽康拜序

題詩

人間不朽惟有墨清芳。未許富貴逼君家。墨池波瀾翻灑作文章。著篇籍堪悲墨吏多竊。鈎惜墨令人薄。封侯問君賸墨復多許。善蓄光采慎所與。
奉賢朱遜庸
 胡君年少如瓊樹。揚風挖雅標真趣。好訂神交聯墨緣。近墨者黑得弗誤。君云墨道有殊科。我墨豈與彼墨遇。舞文弄墨大有人。墨者視之悲染素。以君剩墨巧萬人。肝腸不啻錦繡吐。我詩滑稽殊不倫。請罰墨汁一斗注。
遜庸再艸
 誦讀萬卷書。最忌無心得。下筆作文章。就重才學識。回思古之人。光陰計晷刻。苦李五千言。不外重道德。道德豈易明。諸家垂法則。譬之積王委。留與蒸民食。食之辨其味。豈可稍差忒。先知覺後知。啓迪是天職。
 卓哉胡氏子。委懷在琴書。養性能寡欲。仁義爲蘆廬。璆琳羅滿篋。彷彿傳鵠觚。搜奇兼摘與。不讓馬貴與。叢談空謾譌。雜俎記其餘。哀然成巨帙。及時付鈔胥。鉛槧無已時。驪戶傳其初。念我頭將白。學殖已荒疎。載誦卓犖辭。彌覺愧弗如。
鹽城蘇守仁智卿
 鳩江胡氏子。朶雲忽飛來。報道鴻編脫稿纔。才名轢班馬。精博治劉崔。風流文采出塵埃。豈獨聲華噪。吳會三江流域衆。交推著作則包羅宏富純。從經史而胙胎體裁。則莊諧並載。外觀內美相兼賅。蘇海韓潮稱傑作。班香宋豔洵仙材。有時警世發猛省。破空結撰起。

樓臺言情寓意形容宵長篇短篇妙心裁有時談笑風生座東方曼倩喜嘲詼脫口令人
皆絕倒智囊善變智網恢留仙筆曉嵐才見聞隨意錄工於馬復疾于枚文豪詩傑神交
廣一集題襟遍九垓更喜一欄署嚼蔗咳唾頃成珠玉堆珊瑚海底網羅盡五花八門生
面開辭源倒峽瀉千里毫顛揮洒走風雷海內同岑證異苔文章高古追蓬萊人手一編
齊讚美價格比珍瑰

武進鄭文濤松聲

誰將秦火剩餘墨獨付胡郎歸腕底揮來擲地有金聲花落繽紛珠滿紙直參造化補天
工力維國粹存綱紀崢嶸頭角露奇才一時造起鳳樓來詞藻直追陸士龍文章不讓賀
方回誰能赤手麒麟縛誰能海底驪珠摸惟有胡郎心手敏獨得精華有是作孰謂胡郎
是書癡吾謂書癡不可追書到癡時滋味永味到癡時出語奇試看此墨棗梨後定播才
名天下知

龍泉李明先貢艸

宏才兼博學賸墨溉荒蕪並世汪精衛當年鄭鷗鵠鴻韻正在構思郵差遼申報至載有汪精衛在滬講學即以鵠對該報爲壬戌七月八日第三

張精衛恰亦鳥名也

韓潮文不朽江夢筆難枯着處休教洗芬芳秋滿湖

浪墨興公著名齊德不孤武林孫綺芬君亦以浪墨囑題即君謂友宏文宜棗壽大雅此輪扶麝馥磨佳士蟲雕

恥壯夫依稀黃叔度珍重潑金壺同治初年廣陵黃宰平師綰吾邑學篆著金壺七墨奉賢朱粥叟

名山留一集敝帚享千金斗室彈孤誼環球覓賞音七襄工織錦百衲巧張琴瀝盡金壺

汁流傳餉藝林

青浦徐公修署芸

此墨宜千古餘香剩一篇筆應花潤飽硯想鐵磨穿點滴波瀾富淋漓興會騫笑君癡似

我守黑抱殘篇

齊名梅伯浪綺芬浪墨同時出版

結契璞山緣

王璞山有墨緣之刊

水謝三升辱痕留一紙傳金壺同寶七玉

版合書千遮莫鴉塗笑餘芬信筆妍

九江廖桂賢古香

江管花開五色香說部

零金碎玉愛珍藏

筆記

倦遊曾賣相如賦文苑妙語何嫌曼倩狂林千古

美人情旖旎

香豔

六朝名士卷琳琅

題襟

問誰領略清時味

嘯

蕉遙望兼葭水一方

交神

城鹽競伯蔡克傳拜稿

先生著作不凡材別類分門衆妙該謝草江花多古豔韓潮蘇海亦奇才見聞擇錄供流

覽怪異搜羅費剪裁補入金壺留剩墨幾時方得誦瓊瑰

頻年風雨苦紛披雅俗兼收兩得宜驛使梅花留韻事美人香草寄遐思文章游戲漫驚

異筆墨訴諸定解頤他日書成行海內洛陽紙費不須疑

萬縣幸彬冰如

紀載無非廣見聞西陽意緒爲平分淋漓多半嘲風月珍祕應教婉典墳雜俎零縑皆寶

貴江花謝艸共芳芬但看怒罵兼嬉笑揮洒都成絕妙文

青浦顧蕉盒

識量宏深學最精文情筆底見心情名山金石留全錄藝海波瀾壯老成敘事詳明空品

物措辭。警醒動公卿。虛聲處士應。能雪宇宙常。垂鼎鼎名。
兔走鳥飛斗柄移。人情世態費猜疑。有時著述多心得。無事蕭閒信手披。旖旎雲章皆織。
錦纏綿。風月欲抽絲。多君才調江東秀。愧我凡庸俗待醫。
大哉名士品。優優天地縱橫。一卷留吏部文章。空八代謫仙氣。慨足千秋文章所在多。青。
眼舊雨相逢已白頭。滿幕芙蓉王儉府。一般宏獎最風流。
知識超羣更絕倫。才如庾信自清新。思潮起落成文字道。範孤高辟俗塵。瑣記閒情皆考。
證。敷陳雜詠最精神。左思弱冠引柔翰。卓犖觀書有幾人。
世界承平國運興。文明鼓吹重凝丞。德成始覺功名淡。識定方能道學增。變幻風雲忘鼎。
革輝煌日月誦升恆。余將比附同千里。笑指長途驥尾蠅。
余亦有綺芬浪墨

譜兄孫綺芬

滄海桑田感慨多。眼前風月漫搜羅。半生詩酒添吟艸。一局楸枰紀爛柯。領略功名蕉覆。
鹿可憐。興廢棘埋駝。憂時拋盡千條淚。如此江山且放歌。
見說風流賀季真。騷壇樹幟更無倫。祇應歌哭和猿鶴。儘許文章泣鬼神。風雨十年空着。
恨烟花一夢。總成塵。豈爲著作千秋想。翰墨人間盡夙因。
譜弟溫小蝶
安定家風一脈延。分門別類卷盈千。詞源倒峽聲聲急。好語穿珠字字圓。儷葉駢花供采。
摘。五光十色競鮮妍。洛陽紙貴人爭購。贏得文章衆口傳。

六合張卓人

宇宙如椽筆一枝大名鼎鼎重當時書生心手英雄胆江淹才華謝朓詩落拓乾坤嗟我輩風流儒雅亦吾師君看浩蕩神州上美雨歐風實可悲

皖水湘山各一天果然翰墨有因緣釵光黛影徵同調余有釵光黛影錄擬刊單行本不謂鳳毛亦有是輯味注檀板金樽

事可憐快綠怡紅同紀夢余擬作寶玉筆記已起草不意君亦有怡紅院筆記之作味注瀟湘種玉怕成烟詩君亦有是作

癡我更癡情甚寂寞空談下乘禪鳳毛亦有紅樓夢話之行待刊余亦有紅樓雜談刊行味注

亭亭玉貌睹芝顏我昔曾同一紙間滬報曾刊君之玉影賤影亦刊原注白社題襟慚附驥青年結契愧才頑

青年社會荷君邀入原注欲憑慧業聯苔末早訂神交託澧蘭堪笑文壇諸長老爭傳陽貨是尼山與君曾有

名誤鳳毛原注

筆底蕭蕭起大風翩翩著述可憐蟲辛酉春君著有長篇小說可憐蟲刊登滬報哀感頑豔原注論交投刺名如鱗作賤傷

心氣貫虹但解鍾情真壯士果然兒女亦英雄辛酉秋君復著有長篇兒女英雄小說發刊滬報惜刊至十八回未完而止君登報啓事謂尚有十八回

約十萬言原注才人別有心肝在怨綠啼紅字字工湘潭宗弟胡遠塵貢紳

人筆淋漓五色光才高倚馬擅名場淵源已自承安定世事何須問短長苔社唱酬無俗韻

韻無湖翰墨有餘香味癡軒裏險壘古一卷流傳嫵漢唐休甯程灤少潯別署雪廬老人

堂永守舊家聲翰灌文明取用精快活林中穿一線緣石上證三生訂父當使心相

印有志能教事。竟成茹古涵今。資料富。風行紙貴。洛陽城。

著書歲月半消磨。別類分門。意若何。海內論文。無俗士。杯中。有酒發狂歌。一庭花鳥羣英。

萃四壁。雲山萬象。羅十色。五光爭煥采。方知到處。築吟窩。

定遠方佛生在家僧

筆底江郎五色花。久從壇坫著聲華。苔岑氣誼聯千里。機杼文章自一家。磊落豪情凌海。

嶽清新綺思。燦雲霞。俗塵撲去。渾無事。半捲簾鉤。月上斜。

鹽城金式陶鞠逸

吾愛吾癡。不算癡。抽毫應在酒酣時。氣吞江海。潮千尺。腕挾雲烟。筆一枝。莫謂少年多好。

鹽城張蔭蓀

事尙留餘興。苦吟詩。名門安定。傳衣鉢。絕妙才人。絕妙辭。

漫云事蹟盡荒唐。遠紹旁搜。入鬼方。杜老謳歌。曾愈瘡。蘇公笑罵。亦成章。書編越絕猶嫌。

俗語較齊諧。更反常。軼後空前。一枝筆。令予盥誦。露薇香。

天道茫茫孰叩闥。標新領異。發奇論。鋤經灌墨。渾閒事。酒癖書癡。見太原。思入風雲參造。

興化楊煦之

化光分日月。照乾坤。一篇攜向燈前讀。國粹相期共保存。

墨汁磨來剩一池。著書司馬惜餘時。編成小說詞傾峽。吟就新詩月透帷。儷葉駢花雲錦。

用小影韻倒步之

織香奩。豔詠露珠垂。靈均幽怨。文通恨都仗。先生筆底爲。

翻新壁壘著新篇。寶墨勤磨作鏡磚。故國遺聞憑採輯。名山著作賴垂延。奇文共賞歡奚。

似笑語。詼諧性使然。啖蔗津津滋味永。題襟一集快青年。

用述懷韻龍泉毛厚

大著琳琅萃一編。青年學社集羣賢。憑將儷白妃。青手久仰瓊林琅苑仙。畫裏好龍雖是假。管中窺豹豈能全。言成一年幼無識自注而今景慕名人著。拜讀低徊筆似椽。

徽州汪成一年十六

野乘蒐羅敵汗青。苦心欲喚世人醒。書成付與伊誰演。想煞楊川柳敬亭。部說典實誠能擴見聞。筆記典實見任府君傳讀莊而後更紛紛。宋人有讀莊筆記我于香祖閱微外。眼孔中人惟

屬君記筆

文非燕許卽韓蘇。劉勰何須詡鄴都。晉世文苑可儷鄴都見文心雕龍鎔鑄光華爭日月。多君手上有鍾鑪。

苑文

分明一卷廣齊諧。書比贅漁鐸更佳。語涉俳詼搜括盡。解人頤處暢人懷。林諧茶餘愛拾冬郎句。燈炮愁煎秋士心。鈔禿生花一枝筆。脂零粉斷費搜尋。香豔風流裙屐萃於斯。題向襟裾盡好詩。漢上才人如可作。也應拱手揖鳩茲。題襟飽嘗世上味鹹酸。老漸佳如蔗倒餐。嚼到耐人尋味處。先生舌底益翻瀾。神交閒中寫出夢中身。都是張高一輩人。愧死翻雲覆雨手。是編尤見性情真。神交

籐雪樓老人漢陽趙潤半跋貢艸

皖公。山。色。憶。前。塵。夢。影。迷。離。十。二。春。烽。火。驚。心。回。海。角。當。時。恨。未。訪。詩。人。

辛亥在太平辦賑聞警回里忽忽原

注

辛亥歲味癡方年十歲騎竹馬作兒戲時代也回首五旬徒增馬齒耳味注

千秋教澤衍蘇湖濡筆何愁硯水枯磨得險壘三百斛好分餘瀋到金壺
難得糊塗不賣癡杜門高隱亂離時千秋聲價名山重剩有蘭台筆一枝
秋雨秋風感索居半生蹤跡混樵漁東坡兩眼明如洗老去還思讀異書

鹽漬徐 變荔亭貢艸

光芒萬丈燭天涯。叶支李杜文章筆一枝。禮製已空唐四杰。風流儒雅重當時。

風雲變幻海天長。采筆飛馳日月光。無限幽思無限感。可堪塵世換滄桑。

公是公非一笑中。在天張角各西東。胸羅錦繡皆星宿。巧奪乾坤造化工。

自古才人知覺先。了無礙障且談禪。英雄兒女憑描寫。味癡弟著兒女英雄長篇小說芬五鳳樓成十幅箋。

家學淵源德澤新。筆歌墨舞玉堂春。知君具有千秋想。裁月縫雲妙入神。

煙霞癖痼果如何。泮渙優游安樂窩。大陸已沉誰挽救。賺他精衛共填波。

譜兄綺 芬再艸

棋枰詩卷舊生涯。把酒憑君唱一枝。數簡讀書忘世味。題牆暗記種花時。
倦枕無聊厭夜長。少容明月放清光。看山看水無程數。宅畔先栽百本桑。